

## Ho Behoa Teroneng Ha Konyana



### SABATHA MANTSIBOEA

#### Bakeng sa thuto ea Beke ena, Bala:

Tšenolo 4, Ezek. 1:5–14, Tšenolo 5, Ba-Efese 1:20–23, Ba-Heb. 10:12, Liketso 2:32–36.

#### Temana ea Khopolo:

“‘Ea hlong, ke tla mo fa ho lula le ’na teroneng ea ka, joalo ka ha le ’na ke hlōtse, ’me ke lutse le Ntate teroneng ea hae’” (Tšenolo 3:21).

**P**ono e sa tsoa feta e bontša melaetsa ea Kreste ho batho ba hae lefatšeng. Joale pono e tloha lefatšeng ho ea leholimong le ho shebana le “ ‘tse tlang ho etsahala ka mora tseo’ ” (Tšen. 4:1)—ka moso. Pono ea khaolo ea 4–5 e fana ka boithuto ba toantšano e kholo. Joalo ka Tšenolo 12, pono ea khaolo ea 4–5 ka tšoantšetso e bontša nalane ea morero oa topollo, ho qala ka bosebeletsi ba Kreste lefatšeng. Pele bokamoso bo ka senoloa, leha hole joalo, re fuoa ho ka nyarela hanyane tlhomamiso ea Kreste leholimong ka mora bosebeletsi ba hae ba Golgotha. Ka tsela eo, likhaolo tsa 4–5 li fana ka pono ea leholimo moelelong oa liketsahalo tsa ka moso tse tlalehiloeng bukeng kaofela.

E mong a ka ela hloko hore leha melaetsa ea likereke tse supileng e ne e ngotsoe ka puo e utloahalang, ho tloha joale ho ea pele buka e sebelisa puo ea tšoantšetso eo ho seng bonolo kamehla ho e toloka. Puo ena e nkiloe nalaneng ea sechaba sa Molimo, joalo ka ha e tlalehilo Testamente ea Khale. Botoloki bo nepahetseng ba Tšenolo bo hloka kutloisiso e ntle ea matšoao a teng ka leseli la Testamente ea Khale.

*\*Ithute thuto ea beke ena ho lokisetsa Sabatha, 26 Pherekhong.*

## Phapusing ea Terone ea Leholimo

Ho qala ka Tšenolo 4:1, Jesu o memela Johanne ho nyolohela leholimong ho tla bontšoa ka bokhutšoanyane nalane ea lefatše ho tloha nakong ea hae ho fihlela Kreste a khutla.

**Bala Tšenolo 4:1–8, 'moho le Ezekiele 1:26–28. Ka leseli la Tšenolo 5:11–14, re ka ithuta eng ka pono ea phapusi ea terone ea leholimo?**

Moapostola a talima ka monyako o butsoeng tempeleng ea leholimo le teroneng ea Molimo. Terone e emetse puso ea Molimo le matla a busang holima tlhohleho, ha mookoli o potileng terone o bontša botšepahi ba hae ho batho ba hae. Leha hole joalo, Satane, sera sa hae se sehoho, o qhololitse matla a Molimo. Khubu ea taba toants'anong e khoho lipakeng tsa Molimo le Satane ke hore na ke mang ea nang le tokelo ea ho busa. Sepheo sa lekhohla la leholimo, sa ho phuthehela ka phapusing ea terone ea Molimo, e ne e le ho rarolla hang e bile e le la ho qetela potso ea hore na ke mang ea busang leholimong le lefatšeng.

**Bala Tšenolo 4:8–11 le Tšenolo 5:9–14. Ke eng eo u ka ithutang eona ka khumamelo ea 'nete litemaneng tsee? Hobaneng Morena Molimo a lokeloa ke ho khumamelo khaolong ea 4, 'me ke hobaneng konyana e lokela ho khumamelo ho Tšenolo 5:9–14?**

Tšenolo 4 e fana ka tlhaloso e akaretsang ea phapusi ea terone ea Molimo tempeleng ea leholimo le khumamelo e tsoelang pele moo. Ha khumamemlo e khaolong ea 4 e rorisa Molimo ka matla a hae a tlhoho, khaolo ea 5 e keteka topollo e fanoeng ke konyana e hlabiloeng. Sena se bontša hore khumamelo ea 'nete ke ho bolela liketso tsa tlhoho le ho keteka topollo. Molimo, ea entseng lefatše tšimolohong, o na le matla le bokhoni hape ba ho le khutlisetsa maemong a lona a pele le ho fetola lehae la ka ho sa feleng bakeng sa batho ba hae, tsohle tseo a tšepisitseng hore o tla li etsa.

**Nahana ka seo Evangeli e se rutang: Ea hlolileng, e seng rōna feela empa tlhohleho eohle, e bile hape ke “konyana e hlabiloeng” (Tšen. 5:12) bakeng sa rōna. Ke tšepo efe e hllolang e tlišoang ke seo le hara lefatše le tletseng ka bohloko le litsikitlano tsa meno?**

## Phutheho ea Leholimo ka Phapusing ea Terone

Tlhaloso ea baholo ho Tšenolo 4:4 e bontša hore ha se mangeloi. Boemo “baholo” ka hara Bibe le hangata e sebelisoa bakeng sa batho. Ho fapana le mangeloi, ao kamehla a emang boteng ba Molimo, baholo bana ba lutse literoneng. Liaparo tse tšoeu tseo ba li apereng ke seaparo sa batho ba Molimo ba tšepahalang (Tšen. 3:4, 5). Meqhaka ea tlhlo (ka se-Gerike stephanoi) lihlohong tsa bona e boloketsoe feela ba bahalaleli ba hlotseng (Jakobo 1:12). Tsena tsohle li supa hore baholo bana ba 24 ke bahalaleli ba halalelitsong.

Palo ena 24 ke tšoantšetso: e bopiloe ka 12 habeli, moo 12 ka Bibeleng e emelang sechaba sa Molimo. Baholo ba 24 ba ka emela sechaba sa Molimo ka kakaretso ea bona, ho tsoa ka bobeli linakong tsa Testamenteng ea Khale le e Ncha. Palo ena 24 hape e bapisa marena a likarolo tse 24 tsa baprista ba neng ba tšolana ka linako tsa ho sebeletsa tšebeletsong tsa tempeleng ea lefatše (1 Likronike 24:1–19).

Taba feela ea hore baholo ba 24 ha ba so ka ba boleloa kae kapa kae ka Bibeleng e bolela hore ke sehlopha se secha teroneng ea leholimo. E ka 'na eaba ba tlisitsoe moo nakoana pele ketsahalo eo e etsahala. Khonahalo e kholo ea hore e ka 'na eaba ke bona ba tsoisitsoeng bafung nako ea lefu la Jesu (Matt. 27:51–53). Ho latela Ba-Efese 4:8, ha Jesu a nyolohela leholimong, o ile a nka sehlopha sa baholehuoa le eena. Baholo ba 24 ba ile ba nyolohela le Jesu leholimong e le baemeli ba moloko oa batho, ho ba lipaki tsa liketso tsa Molimo tse sa eeng ka tšobotsi malebana le morero oa topollo. Ho Tšenolo 4, ba ile ba kena phapusing ea terone ea leholimo hammoho le phutheho eohle, ho amohela Jesu ka mora tlhlo ea hae ea lefu sefapanong, le ho ba lipaki tsa ho phahamisoa ha hae boemong bo holimo leholimong ka mora tsoho ea hae.

**Tšenolo 4:6–8 hape e bua ka libopuo tse 'ne tse phelang. Bapisa tlhaloso ea tsona le libopuo tse 'ne tse ho Ezekiele 1:5–14 le Ezekiele 10:20–22 le serafime se ho Esaia 6:2, 3.**

---



---



---



---

Libopuo tse 'ne tse phelang ke mangeloi a phahamisitsoeng a sebeletsang Molimo e le basebeletsi le bahlokomeli ba terone ea hae (Ps. 99:1). Mapheo a tsona a supa ka tšoantšetso ho potlaka ha tsona ho phetha litaelo tsa Molimo, 'me mahlo a tsona a supa bohlahe bo fetisang ba tsona. Ponahalo ea tsona se seng se joalo ka tau, se seng poho, se seng motho, ha se seng e le ntsu e ka bonoa e emetse tlhopho eohle ea tlhohleho. Ka boteng ba tsona tlhohleho eohle ea Molimo e emetsoe phapusing ea terone.

## Buka e Tiisitsoeng

**Bala Tšenolo 5:1. Ka leseli la Esaia 29:11, 12, se boleloang ke tiiso ea buka ke sefe?**

---



---

Phetolelo ea se-Gerike e supa hore buka e ne e lutse teroneng ka letsohong le letona la Molimo Ntate. E ne e emetse ea nang le tokelo ea ho e nka le ho nka sebaka sa hae teroneng. Ka mantsoe a Ellen G. White, buka e tiisitsoeng e fupere “nalane ea mehauhelo ea Molimo, nalane ea boporofeta ea sechaba sa Molimo le kereke. Ka hara eona ho ne ho na le lipolelo tsa leholimo, matla a Hae, litaelo tsa Hae, Melao ea Hae, lekhotlana lohle la tšoantšetso la ka ho sa feleng, le nalane ea matla ohle busang lichaba. Ka puo ea papiso ho ne ho fuperoe bukeng eo tšusumetso, puo, ea sechaba se seng le se seng, le batho ho tloha tšimolohong ea nalane ea lefatše ho isa qetellong ea lona.”—Ellen G. White, *Manuscript Releases*, vol. 9, p. 7.

Ka bo khutšoanyane, buka e tiisitsoeng e fupere sephiri sa Molimo malebana le morero oa hae ho rarolla bothata ba sebe le ho pholosa batho ba oeleng. Phethahalo e feletseng ea sephiri seo e tla bonahala ho tlang la bobeli ha Krete (sheba Tšen. 10:7).

**Bala Tšenolo 5:2–7. Hobaneng Krete e le eena feela tlhohlehong eohle ea nang le tokelo ea ho nka buka e tiisitsoeng le ho manolla tiiso tsa eona?**

---



---

Tlokotsi e phapusing ea terone e amana le bokoinihi ba Satane. Lefatše lena, leha le entsoe ke Molimo, le bile tlasa taolo sera, Satane. Sello sa Johanne se bontša meokho ea bana ba Molimo ha e sale ho tlo ha ka Adama bakeng sa pholoho ho tsoa litlamong tsa sebe. Buka e tiisitsoeng e kenyelelitse morero oa Molimo oa tharollo ea bothateng ba sebe. Ha ho tika-tiko ka matla a hae a sa lekanngoeng, Molimo ka sebele a ka phetha Morero oo. Leha hole joalo, topollo ea molomo o oeleng e ne e hloka se seng se ikhethang, 'me seo e ne e le Jesu, ea ileng a “hlola” 'me ka hona a ba le tokelo ea ho manolla buka, ho qala borena ba hae holima lefatše lena, le ho ba 'muelli oa rōna tabernakeleng e leholimo.

**Ke joang re ka ithutang ho beha Jesu e le oa pele le ea ka holimo ho tshhle maiphihlelong a rōna a Bokreste?**

## Ho Behoa Teroneng ha Konyana

**Bala Tšenolo 5:8–14 ’moho le Ba-Efese 1:20–23 le Ba-Heberu 10:12. ’Moho li re’ng eo e lokelang ho re fa tšepo e kholo le matšelisano le hara lefatše leo ka bo lona le fanang hanyane ka tsona bobeli?**

---



---



---

Ha Krete Konyana a atamela terone, a nka buka. Ka ketso ena, matla ohle le borena bohle o ile a li neoa (sheba Ba-Efese 1:20–22). Ka motsotso oo, leholimo lohle la ananela puso ea Krete holima lefatše e le ea loketseng. Se ileng sa lahleha ka Adama se ile sa fumaneha ka Krete.

Ka ho nka buka ha Krete, qetello ea moloko oa batho e ile ea behoa matsohong a hae. Libopuo tse ’ne tse phelang le baholo ba 24 ba oela fatše ka pele ho eena le ho mo khumamela, joalo ka ba entse ho Tšenolo 5:9: “‘U loketse ho nka buka, le ho manolla litiiso tsa eona; hobane u no u hlajoe’”. Ka sena, mangeloi a phahamisitsoeng le baemeli ba moloko oa batho ba lopolotsoeng ba tiisa sehlabelo sa Krete molemong oa moloko oa batho. Ka Mali a hae, o entse pheko bakeng sa libopuo tse oeleng le ho ba nea bohle tšepo ea topollo le tšepiso ea bokamoso romise boo re neng re sitoa ho bo lekanya.

Libopuo tse ’ne tse phelang le baholo joale ba kopana le lekhotla la mangeloi le se nang palo le potapotileng terone le ho isa lithoriso ho Morena ea sa tsoa behoa teroneng: “‘Konyana e neng e hlajoe e loketse ho nka borena, le monono, le bohlale, le matla, le hlompho, le khanya, le teboho!’” (Tšen. 5:12).

Nakong ena tlholeho eohle leholimong le lefatšeng e kopana hammoho ho fana ka tlhompho ea borena ho Ntate ke ho Krete: “‘Ho ea lutseng teroneng le ho Konyana, e be teboho, le hlompho, le khanya, le matla, mehleng le mehla!’” (Tšen. 5:13). Thoriso ea bona e kopana le “‘Amen’ ea libopuo tse phelang tse ’ne ’me baholo ba 24 ba oa ka lifahleho ho rapela, ka hona ha qetelloa mokete phapusing ea terone ea leholimo.

**Bo-Ramahlale ba bolela hore ka letsatsi le leng tlholeho e tla cha lore!, e timele ka bo eona, kapa e tamukane likoto. Taba e khahlanong le bokamoso bo senotsoeng lentsoeng la Molimo. Ke joang re ka qalang e sa le joale, ho nyakalla bokamosong bo re emetseng?**

## Bohlokoa ba Pentekonta

Tšenolo 5 e hlalosa e 'ngoe ea liketsahalo tse tiisang morero oa topollo nalaneng ena: tlhomamiso ea Kreste ka mora bosebeletsi ba hae Golgotha e le Morena le Moprista e moholo tabernakeleng ea leholimo. Ka ho nka setulo sa hae teroneng ea leholimo ka letsohong le letona la Ntate (Ba-Heb. 12:2; sheba hape Tšen. 3:21), Kreste o khona ho ntšetsa pele morero oa topollo ho fihlela tlhoro ea phethahalo ea oona. Hape ke 'muelli oa rōna tabernakeleng ea leholimo, 'me ka eena libopuo ea tse oeleng li ba le tokelo ea ho kena ho Molimo le ho fumana tšoarello ea libe tsa bona.

**Bala Liketso 2:32–36 'moho le Johanne 7:39. Bohlokoa ba ho phahamisoa ha Kreste leholimong ke bofe bakeng sa ho tla ha Moea o Halalelang? Hobaneng Moea o sa ka oa tla holima barutuo ea pele Jesu a ka tlotlisoa?**

---



---

Ho phahamisoa ha Kreste tabernakeleng ea leholimo ho ile ha lateloa ke ho theoha ha Moea o Halalelang holima barutuo. Tšenolo 5:6 e bua ka meea e supileng “e rometsoeng kahohle lefatšeng”. Meea e supileng e supa mosebetsi o phethahetseng oa Moea o Halalelang lefatšeng. Ha pele Moea o Halalelang o ne o le pela terone (sheba Tšen. 1:4, 4:5), pehong ena ea terone, O romeloa lefatšeng. Thomelo ena ea Moea o Halalelang e amana le ho fuoa borena ha Kreste ke mora bosebeletsi ba hae Gogotha. Sena se bolela hore Kreste o hlahlile pela Ntate le hore sehlabelo sa hae bakeng sa batho se amohelohile lebitsong la batho.

“Nyolohelo ea Kreste leholimong e n'e le pontšo ea hore balateli ba tla amohela hlhohonolofatso e tšepisoeng... Ha Kreste a feta lihekeng tsa leholimo, O ile a behoa teroneng hara khumamelo ea mangelo. 'Me hang hoba mokete oo o phetheloe, Moea o Halalelang o ile oa thehela ho barutuo ka menono e khaphatsehlang, 'me Kreste ruri o ile a tlotlisoa, ka khanya eo a neng a na le eona le Ntate ho tloha bo-sa-hlaheng. Tšollelo ea pentekonta e ne le puo ea leholimo ea hore peho ea Molopolli e phethiloe. Ho latela tšepiso ea hae, o rometse Moea o Halalelang ho tsoa leholimong ho tla ho balateli ba hae e le pontšo ea hore, e le Morena le Moprista, o amohetse matla ohle leholimong le lefatšeng, 'me ke ea tlotlisoeng holima sechaba sa hae.”—Ellen G. White, *The Acts of the Apostles*, pp. 38, 39.

**Bala Ba-Heberu 4:16 le 8:1. Ke tšepo efe eo u e fumanang tabeng ea hore Jesu o lutse teroneng ea leholimo e le Morena le Moprista? Ke khahlamelo efe eo e e etsang ho uena ho sebetsana le maemo a letsatsi ka leng bophelong ba hao, 'moho le ho tsetse ha bokamoso?**

### **Khopolo e Eketsehileng:**

Bala Ellen G. White, “ ‘Ho Ntate, le Ntat’ a Lōna,’ ” pp. 829–835, ho *The Desire of Ages*; “Neo ea Moea o Halelang,” pp. 47–56, ho *The Acts of the Apostles*. Molaetsa oa Tšenolo 4–5 o bohlokoa haholo ho sechaba sa Molimo se phelang nakong ea ho koaloa ha nalane ea lefatše. Ho theoha ha Moea o Halalelang ka Pentekonta ho tšoaila qaleho ea khaso ea Evangeli; khubu ea molaetsa e ne ele ka Jesu, ea tlotlisitsoeng e le Morena le Mopriska teroneng ea leholim. Sena e ne e le motheo oa tumelo ea Bakreste ba pele (Ba-Heb. 8:1) le leje la ntlha la thuto ea bona (Liketso 2:32–36; 5:30, 31). ‘Nete ena e ne e le se ba khotatsang le mohloli oa tumelo le sebete sa bona khahlanong le lithoriso le mathata maemong a bophelo (Liketso 7:55, 56; Ba-Roma 8:34). Ka hona, batho ba bangata ba ile ba arabela thuto ea bona. Ho tloha ka nako eo, le ka boteng ba Jesu ka bosebeletsi ba Moea o Halalelang, ’muso oa Molimo o ile oa iponahatsa ’me o ntse tsoela pele ho etsa joalo.

Ha rea lokela ho lebala hore ke litaba tse molemo feela tsa topollo e ho Krete e ka fihlelang le ho fetola lipelo tsa batho le ho tataisetsa batho ho arabeleng pitso ea evangeli ea kamehla le mehla ea ho tšaba Molimo, le ho mo nea khanya, le ho mo Khumamela (Tšen. 14:7). Tšepo ea rōna ho mopholosi oa rōna feela, eo e leng Morena le Mopriska tabernakeleng ea leholimo. O na le batho ba hae, ’me o tla ’ne a be le bona le ho isa lihoheletsong tsa lefatše (Matt. 28:20). O tšoere bokamoso letsohong la hae. Ha re se keng ra lebala ke hona, hore ho bolokeng seo Evangeli eleng sona kelellong ho tla tlisa katleho ho ruteng molaetsa oa ho qetella ho batho ba lahlehileng le matšoenyehong. Ha ho seng hape seo re se rutang se bohlokoa joalo ka sefapano le seo se re rutang sona ka Molimo.

### **Lipotso tsa Puisano:**

- 1. Ka letsatsi le leng re tla ba leholimong ho rorisa le ho khumamela Morena ka baka la molemo oa hae, le matla, le (ka ho khetholoha) mohau oa Hae. Ke ka litsela life tseo le ha joale re ka itokisetsang letsatsi leo le lehlo? Ke hore, ke joang rōna ka lipelo tse tletseng teboho re ka mo khumamelang le ho mo rorisa ha joale ka sohle seo a re etselitseng sona le seo a tla ’ne a re etsetse sona?**
- 2. Bala Tšenolo 4:11 le 5:9. Ke mesebetsi efe e ’meli eo re boneng Jesu a e etsa mo, ’me ke joang mesebetsi ee ka bobeli e leng khubu e seng fela ea Morero oa Topollo le hore na ke hobaneng Morena a lokela ke ho Khumamelo? Ke joang Sabatha, le seo e se rutang, e le ponahalo ea linnete tse peli tsee ka Molimo?**